



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-082-2/25**

Datum: **26.02.2025. godine**

«Agencija za vodno područje rijeke Save» Sarajevo rješavajući zahtjev podnesen po službenoj dužnosti od strane Ministarstva privrede Kantona Sarajevo, a u ime Direkcije za puteve Kantona Sarajevo, za donošenje rješenja o prethodnoj vodnoj saglasnosti za odvodnju zagađenih oborinskih voda i njihovo ispuštanje u prirodni prijemnik sa Igmanske ceste, dionica Osmice do spoja sa R 442 u dužini L=6,5 km, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

### RJEŠENJE

1. Odbija se zahtjev Direkcije za puteve Kantona Sarajevo, za donošenje rješenja o prethodnoj vodnoj saglasnosti za odvodnju zagađenih oborinskih voda i njihovo ispuštanje u prirodni prijemnik sa Igmanske ceste, dionica Osmice do spoja sa R 442 u dužini L=6,5 km, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

### Obrazloženje

Od strane Ministarstva privrede Kantona Sarajevo, po službenoj dužnosti, u ime Direkcije za puteve Kantona Sarajevo, podnesen je «Agenciji za vodno područje rijeke Save» Sarajevo zahtjev za donošenje rješenja o prethodnoj vodnoj saglasnosti za odvodnju zagađenih oborinskih voda i njihovo ispuštanje u prirodni prijemnik sa Igmanske ceste, dionica Osmice do spoja sa R 442 u dužini L=6,5 km.

Uz zahtjev je dostavljena slijedeća dokumentacija:

- Kopija Rješenja o urbanističkoj saglasnosti donesenog od strane Službe za prostorno uređenje i zaštitu okoliša broj: 03-19-3637/24 IČ dana 26.08.2024. godine, Općina Ilidža;
- Kopija odgovora na zahtjev datog od strane KJKP „VIK“ d.o.o. Sarajevo broj: 30-31-3159-1/24 i broj: 30-31-3189-2/24 S.H. dana 27.12.2024. godine;
- Kopija Lokacije objekta, R 1:20000 sa pobrojanim k.č. K.O. Hrasnica, Krupac;
- Situacioni plan R 1:5000 (iz Glavnog projekta nastavka rekonstrukcije Igmanske ceste, dionica Osmica – spoj sa R 442a, dužine cca 6.50 km, urađen od strane Centar za projektovanje i konsalting „CPK“ d.o.o. Banjaluka, decembar 2023. godine).

Nakon uvida u dostavljenu identifikaciju i spisak katastarskih parcela utvrđeno je da predmetna aktivnost ne obuhvata parcele koje se nalaze u vodnom dobru vodotoka I kategorije.

U skladu sa članom 17. Stav (1) tačka 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), Agencija je nadležna za izdavanje vodnih akata za izgradnju željezničkih pruga, autocesta i magistralnih cesta, što ne obuhvata kategoriju lokalna saobraćajnica ukoliko se ista ne nalazi u vodnom dobru vodotoka I kategorije.

U skladu sa članom 17. stav (2) tačka 7. Pravilnika o sadržaju, obliku, uslovima, načinu izdavanja i čuvanja vodnih akata „za izgradnju regionalnih i lokalnih saobraćajnica, uključujući i šumske puteve“ nadležno je Kantonalno ministarstvo.

Utvrdeno je da kao posljedica planirane aktivnosti ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama, te za predmetnu aktivnost nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, pa je riješeno kao u dispozitivu rješenja.


### **Pouka o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju  
Rukovodilac sektora za izdavanje vodnih akata



*Nihad Pezo*  
Nihad Pezo, dipl.inž.građ.

Dostaviti:

- Kanton Sarajevo, Ministarstvo saobraćaja, Direkcija za puteve, ul. Hamida Dizdara broj 1, 71000 Sarajevo
- Ministarstvo privrede Kantona Sarajevo, ul. Reisa Džemaludina Čauševića 1, 71000 Sarajevo
- ⊖ AVP Sava, ISV – Vodna knjiga
- Sektor 40, arhiva
- Oglasna ploča AVP Sava